





叙荆溪外紀



夫奠麗山川。包表疆域。攷沿革而載河隴。則土壤而等賦役。辨名物而叙人官。斯志地者之大允也。粵自禹貢作于夏后。職方述于孔尼。則書法一歸于要矣。其諸聖人之志也。爾乎。厥後著圖經者。乃至譎談八荒之恠。擅辭賦者。又或盛誇兩都之美。則

叙事無補于詳矣其諸文人之志也爾乎  
夫廣輪之數大統之紀蓋皆自在綱中要  
焉可也一方之史一地之乘貴在文周事  
悉詳焉可也苟宜要而繁其失也則有靡  
蕪不剪之譏宜詳而畧其失也則有樞要  
弗撮之病至于體裁莫當而跡實鮮徵則  
將使觀者弗信謂之曰妄史辱國妄志辱

鄉求欲可傳而行之世也難矣哉余觀義  
興自昔有志總若干卷厥凡山川區域城  
郭土田人官物產之類如凡例所稱者亦  
既包羅揆叙而罔弗具舉矣第以古今綿  
邈則詳略不容以相因是以闕典未發于  
搜羅鐫題或殘于金石事屬藝文每逸于  
外史之掌詩關風教頗失其作者之名繇

是闕疑彌久則存古愈難夫豈以荆溪鉅  
麗文獻斯存顧未得其燦然者而觀之耶  
一日客游至荆南山中會友人沈子克賓  
甫者蘊籍六經貫穿百氏以是爲未足而  
尤汲汲乎鄉之逸文墜典居常撫歎舊志  
訪拾闕漏而欲創爲別紀以備觀覽乃上  
自漢魏六朝近接

昭代大若記序纖若埤語雅若詩賦俗若  
謳謠以至荒表斷碣之文洞府故宮之刻  
神異則天書雷篆之文譎諧則談馬礪畢  
之語豈曰譎詢盡于故老亦且鈎探徧于  
異流觀其摹國山之固石則孫吳之封禪  
尚可讀也證蘓碑之蝕字則陸機之藻辭  
不終亡也述周侯之西征則忠貞之詩可

覽誦也採任昉之雅詠則高誼之風可緬  
懷也水榭攷樊川之章則從事之美才於  
溪山爲有助也楚頌存長公之作則逐臣  
之寄興於流寓爲有關也表義倉之譏則  
文公處措之策可遠垂也錄河渠之書則  
袁令循良之績可永鑒也維是總其大凡  
詩則首五言古風終七言近體而歌行詞

賦類皆屬之詩英文則先碑銘終疏奏凡  
序說題跋類皆屬之文矣彙成釐爲二十  
五卷遂目之曰荆溪外紀蓋亦自斷其不  
爲正史例也每詩文選次一卷則但惟其  
雅不於其疵名氏誰何則但存其人不問  
其爵著作後先亦但取其有關於地乘不  
取其泛及于迂遠於戲後有作者則凡收

荆溪外紀分卷  
孟博甫序  
據之所未到睹記之所未經亦可以得其  
燦然者矣夫豈薄物細故也耶余嘗借與  
校讐恐覽者失其歲月迺爲叙諸卷右蓋  
輯錄則昉于嘉靖戊戌而梓成則畢于嘉  
靖乙巳克寅之志于茲勩矣哉真州李文

荆溪外紀分卷

卷之一

四言絕句

凡二首

卷之二

五言絕句

凡四十六首

卷之三

五言八句

凡一百六十六首

卷之四

五言古風

凡一百二十二首

卷之五

六言絕句

凡九首

卷之六

七言絕句

凡一百九十三首

卷之七

七言八句

凡二百五十六首

卷之八

七言古風

凡三十一首

卷之九

長短句

凡二十五首

卷之十

歌

凡十三首

卷之十一

行

凡三首

卷之十二

詞

凡十五首

卷之十三

賦

凡五篇

卷之十四

碑附錄

凡十一篇

卷之十五

序

凡二十九篇

卷之十六

記

凡三十三篇

卷之十七

記

凡三十篇

卷之十八

奏議

凡十二篇

卷之十九

書

凡八篇

卷之二十

題跋

凡三十八篇

卷之二十一

節義傳

附祭文

凡四篇

卷之二十二

列傳

凡七十五人

卷之二十三

寓賢

凡二十六人

卷之二十四

風土記拾遺

凡四十二條

卷之二十五



嘉手印日似王魯風負外章檢書孝廉汪春樵茂才遊琉璃廠  
從舊手攤購荆溪外紀石本內缺十五上三卷廿用字扶而  
百披覽一周了望所得怪備以消渴而已旅景世富於多此無  
益之用世將何以年歲乎幸以誌重道文未氏後

荆溪外紀分卷

荆溪外紀凡例

一荆溪入方志以來迄于今茲代有文獻間因取舊志  
讀之見其多所放失是用搜剔網羅竊為外紀以次  
第其集凡二十五卷志意如左

一詩文凡古今題詠紀述有關地乘事跡者輯之不著  
事跡者雖邑里先賢所作亦不備錄蓋其自有各集  
行世也

一詩文採輯並諸家集中及素所睹記者其不可得而  
見者固不能備也

一詩文類皆就體分卷詩先四言次五言次六言次七

言次長短篇次歌行詞賦文先碑銘次序記次奏議  
題跋始兩漢及晉梁唐五代宋元下逮

國朝以爲先後諸凡作者名氏雖列本題之下不著  
字里不擇隱顯者蓋論其文不論其人也

一前賢詩文所存者必存即錄之時賢詩文浩繁有難  
盡錄故惟取體裁爾雅風格不失者採之亦其所聞  
知者耳諸餘限於耳目固不能遍索也

一碑記稽諸官廨佛寺祠觀梵金石苟未至于蕪沒者  
悉錄入存古不得去取於其間也

一平西將軍周侯廟碑內史王機所撰右軍王羲之所

書今唐模晉碑雖存而剝落闕字甚多考之二陸集  
補其闕文至於司農夫人碑國山封禪碑闕文則無  
可考不能無遺恨焉

一列傳邑誌所載不全間有差誤考之歷代史傳補其  
闕畧訂其差訛著先代之名賢爲後學之矜式若  
國朝先賢未經國史立傳不敢僭述也

一善權古寺名也舊碑所載俱權字

國朝避王諱人書卷字後人臆說遂爲堯時善卷  
曾隱於此謬矣今不避仍書權

一周子隱風土記不存覓之不可得深爲慨惜故即其

敘事之言雜見於諸書之引據者錄以紀遺以俟博洽君子之有得其全書者云

一紀遺雜說並前代之遺事遺文考之諸書錄以備觀亦竹頭木屑之意因附卷末與好事者解頤

荆溪外紀凡例

荆溪外紀卷之一


邑人楚山沈敕編輯  
真州雲壁李文校正

潘岳 晉人

閻績

身雖云沒書名良史

身雖云沒書名良史



荆溪外紀卷之一

荆溪外紀卷之二

邑人楚山沈敕編輯  
真州雲壁李文校正

五言絕句

與周公處聯句

庾信 晉人

朝市一朝變蘭艾本同焚借問蒼玄子平生如所聞

征西自賦

周處

去去世事已策馬觀西戎藜藿甘梁黍期之克令終

贈海法師還飢山

蕭子雲 梁人

忽聞飢山侶萬里自相親  
法寡晚寐禱重疊晴雲深

題玉女潭

獨孤及 唐人

碧玉徒強名，冰壺難比德。惟當夕照心，可並蒼苔色。

送陸士倫之宜興

李嘉祐

陽羨蘭陵近，高城帶水閑。淺深通野水，綠茗滿春山。

太湖

陸龜蒙

嘗聞咸池氣，下注作清質。至今涵青霄，尚且作白日。

金牛潭

在君山，鄉張公洞後潭水清，望大旱不出。俗傳有金牛入此潭，因以得名。

張祐

伏牛真在事餘人，詣日影沉青壁煙。空淨碧潭

題法藏寺

竹徑深開院，松門對遠山。更聞尋雷室，西行咫尺間。

望南山雪懷山寺普上人

皇甫冉

夜夜夢連宮，無由見遠公。朝來出門望，知在雲山中。

茶嶺

張籍

紫芽連白蘄，初向嶺頭生。自看佳人摘，尋常觸露行。

秋日湖上

薛瑩

落日五湖遊，煙波處處愁。浮沉千古事，誰與問東流。

溪上傷秋

錢起

歲去人頭白，秋來樹葉黃。搔頭向黃葉，與爾共悲傷。

宿洞口館



缺P3

野竹通溪冷秋蟬入戶鳴亂來人不到寒草上塔生

宿甌山畫上人房

皎然

別來山頂宿知在甌山禪積靄沉斜月孤燈照落泉

隱居南莊

蔣之奇

耕春煙一壠釣月夜千尋未荒三徑菊不負此生心

乞常州義興居住得請

蘇軾

上書得便宜歸老湖山曲躬耕二頃田自種千年木

醒酒石

善傳在縣中今不存

李元益

為山因案石人巧奪天機強說醒何醉那知是與非

荷橋

楊萬里

此洞獨何奇翠壁淨於掃仙人墮渺茫雕鏤見天巧

玉女潭

萬古玉女潭一鏡了無滓幽人來濯纓盤龍為驚起

陸相山房

陸子遊已久山房留至今我來觀衆妙千載得知音

東坡書院

坡翁百世士晚卜陽羨居安得從之遊遍讀萬古書

天申宮

天申多靜者雲木更清幽誰知塵海裡別自有丹丘

福源寺

紺殿超塵表，虛空不住天。會須乘老興，呼酒酌金仙。

碧蘚菴

在善權三生堂西北石壁舊傳祝英臺讀書之處唐李丞相亦藏脩於此

沈周

李相讀書處，猶疑白石房。但無坡老記，名藉碧鮮長。

九斗壇

在善權乾洞前山有九峯如覆斗梁武帝禱雨之處

斗壇何業業，去寺四百武。年年足山雨，靈應無今古。

湧金亭

在善權寺前中道古松間亭下泉水西注

松巷深深地，亭惟水木陰。泉聲與風響，不動老禪心。

石洞鳴琴

沈暉

洞門白日靜，閒坐弄瑤琴。曲罷無人見，清風生綠林。

泛湖

邵珪

風恬一鏡平，蘭棹擊空明。子細看秋月，浮雲亦易生。

東坡書屋

步上荒丘角，青山故址存。整冠聊再拜，一吊蜀江魂。

笠澤烟波

杭淮

一葉烟波艇，如乘銀漢槎。秋來萬里興，浩蕩屬誰家。

金晶巖

蔡汝楠

金晶射空林，曙色轉高嶺。抱甕汲泉華，倒看青山影。

佛窟洞

亂石疊青山，碧霞流深樹。借問此何居，大士看心處。



玉陽山房

幽卧春山雲黃鸝隔  
愁語靜響發澄潭  
女蘿滴殘雨

瓊樹

携客下山來藉草對幽壑  
冷然天風吹古樹  
藤花落

君陽洞

君山復何有寥寥天宇空  
惟聽靈湫水秋聲深谷中

張渚道中

湯霖

雨晴沙草潤湖濶暮煙平  
清興無人續聞鷓鴣定舊盟

荆溪外紀卷之二

荆溪外紀卷之三

邑人楚山沈敕編輯

真州雲壁李文校正

五言八句

送臨津房少府

楊炯 唐人

岐路三秋別江津萬里長  
煙霞駐征蓋絃奏促飛觴  
階樹含斜日池風泛早涼  
贈言未終竟流涕忽沾裳

秋夜宴臨津鄭明府宅

杜審言

行止皆無地招尋獨有君  
酒中堪累月身外即浮雲  
霜白宵鐘徹風清曉漏聞  
坐携餘興往還似未離群

李滁州書以玉潭莊見托因書春思以詩代答

獨孤及

春物行將老懷君意詎堪朱顏因酒強白髮對花慙日日  
思瓊樹書書詒玉潭知同百口累曷日辦抽簪

秋夜肅公房喜普門上人自陽羨山至

劉長卿

山棲久不見林下偶同遊早晚來香積何人住沃州寒禽  
驚後夜古木帶高秋却入千峯去孤雲不可留

洞靈觀

皇甫冉

孤煙靈洞遠積雪暮山寒松栢凌高殿莓苔封古壇客來

清夜久仙去白雲殘明月開金籙林香入木蘭

歸陽羨蕪送劉八

湖上歸帆別江南謫宦歸前程行更遠臨水淚沾衣雲夢  
春生遍瀟湘客過稀武陵招我隱歲晚向柴扉

酬裴十四

淮海每聯翩三年方一見素心終不易玄髮何須變舊國  
想平陵春山滿陽羨隣雞莫遽唱共惜良夜宴

贈普門上人

支公身欲老長在沃州多慧力堪傳教禪功久伏魔山雲  
隨坐處江草伴頭陀借問迴心後賢愚去幾何

送普門上人還陽羨

皇甫曾

花宮久難別，道者憶千燈。  
殘雪入林路，暮山歸寺僧。  
日光依嫩草，泉響滴春冰。  
何用求方便，看心是一乘。

送陸鴻漸南山採茶

千峯待逋客，香茗復叢生。  
採摘知深處，煙霞羨獨行。  
幽期山寺遠，野飯石泉清。  
寂寂燃燈夜，相思磬一聲。

送僧歸南嶽

周賀

辭僧下水棚，因聽嶽鐘聲。  
遠路獨歸寺，幾時重到城。  
風高寒木落，雨絕夜堂清。  
自說深居後，鄰州亦不行。

晚次荆溪呈崔明府

張祐

織舟陽羨館，飛步統踈楹。  
山暝水雲碧，月涼煙樹青。  
長橋深夜影，遠櫓下溪聲。  
况是无三害，絃歌初政成。

遊善權寺洞

碧山南一寺，最勝是仙源。  
峻坂依巖壁，清流注洞門。  
金函崇寶藏，玉柱閔靈根。  
寄謝香林客，高踪不可援。

題李瀆山居玉潭

古樹千秋色，蒼崖百尺陰。  
髮寒泉氣靜，神駭玉光沉。  
上穴青冥小，中連碧海深。  
何當煙月下一聽，夜龍吟。

題陸壩金沙洞居

東溪泉一眼，歸川愜高踪。  
決水金沙靜，梯雲石壁虛。  
細吟

騷短髮深語笑長裾莫道遺金品常間入洛初

周平西墓

權德輿

英威今寂寞陳迹對崇丘壯志清風在荒墳白日愁窮泉  
那復曉喬木不知秋歲歲寒塘側無人水自流

送義興元少府

李端

逢君惠連第初命便光輝已得群公組微妨太傅譏路長  
人返顧草盡燕回飛本是江南客還同衣錦歸

雨中宿義興僧房

耿漳

遙夜宿東林蟲聲階草深高風初落葉多雨未歸心家國  
身猶負星霜髮已侵滄洲縱不去何處有知音

宿荆溪館呈丘義興

嚴維

失路荆溪上依仁忽暝投長橋今夜月陽羨古時州野燒  
明山郭寒更出縣樓先生能館我何事五湖遊

酬普選二上人期相會

本意宿東林因聽子賤琴遙知大小朗已斷去來心夜靜  
溪聲近庭寒月色深寧知塵外意定後更成吟

送清遠上人歸楚山舊寺

孟郊

波平出吳境霞際登楚岑水寺一別來雲蘿三改陰詩誇  
碧雲句道證青蓮心應懽萍汎者不如松隱深

送惟詳律師自越歸義興

崔子向

陽羨諸峯頂何曾異剡山雨晴秋到寺木落夜開關  
縫衲紗燈亮看心杖錫閑西方知有社未得與師還

送元昱尉義興

盧綸

欲成雲海別一夜夢天涯白浪綠紅雨青山遠縣花  
風標當劇部冠帶稱儒家去矣謝親愛知余髮已華

茶山下作

杜牧

春風最窈窕日晚柳村西嬌雲光占岫健水鳴分溪  
嶮巖野花遠憂愁幽鳥啼把酒坐芳草亦有佳人携

春日茶山病不飲酒呈賓客

笙歌空盡船十日清明前山秀白雲膩溪光紅粉鮮  
欲開

未開花半陰半晴天誰知病太守猶得伴茶仙

題洞靈觀冬青樹

許渾

霜霰不凋色兩株交石壇未秋紅實淺經一作夏綠陰寒

露重蟬鳴急風多鳥宿難何如西禁柳晴舞玉闌干

溪亭

溪亭四面山橫柳半溪響蟬響蟻急魚深翡翠開水寒  
留客醉月上與僧還猶戀蕭蕭竹西齋未掩關

暖枕眠溪柳僧齋昨夜期茶香秋夢後松韻晚吟詩共戲  
魚翻藻爭棲鳥墜枝重陽應一醉栽菊助東籬

贈高處士雲

字前雲水滿高興一書生垂釣有深意望山多遠情夜棋  
留客宿春酒勸僧傾未作干時計何人問姓名

泛溪

疑與武陵通青溪碧嶂中水寒深見石松晚靜聞風遞跡  
驅雞吏冥心失馬翁纔應婚嫁畢從此息微躬

送時暹避難適荆南

錢起

三嘆把離袂七哀深我情雲天愁遠別豺虎擁前程駐馬  
戀携手隔河聞哭聲相思昏若夢淚眼幾時明

送沈次魯南遊

陳陶

高臺贈君別滿握軒轅風落日一揮手金臺雲雨空龍洲

石梁外劍浦羅浮東茲興不可接脩脩天際鴻

張公洞

胡宿

一室是仙鄉深巖石燕翔隔雲青色轉拂水紫芝香滴露  
驚人冷靈襟徹頂涼浮雲應不遠衣袂好相將

茶人

陸龜蒙

天賦識靈草自然鍾野姿閑來北山下似與東風期雨後  
採芳去雲間幽路危惟應報春鳥得共斯人知

贈俞鳧

方干

所得非衆語衆人那得知纔吟五字句又白幾莖髭月閣  
歌眠夜霜軒正坐時沉思心更苦恐作滿頭絲

中路寄俞鳧

求名如未遂白路亦難歸送我樽前酒典君身上衣寒蕪  
隨楚盡落葉渡淮稀莫嘆干時晚前心豈便非

送俞鳧校書歸陽羨

姚合

主人庭葉黑詩藁更誰書闕下科名出鄉中賦籍除山春  
煙樹衆江晚遠帆疎吾亦家吳者無因到弊廬

宿洞靈觀

靈一 衲子

石室因投宿仙翁幸見容花原隔水見洞府過山逢泉湧  
階前地雲生戶外峯中宵自入定非是欲降龍

溪行即事

近夜山更碧入林溪轉深不知伏牛路潭洞何縱橫曲岸  
煙已合平湖月未生孤舟屢失道但聽秋泉聲

送俞鳧及第歸陽羨

無可

姓字載科名無過子最榮宗中初及第江上覲難兄月白  
波濤沒茶連洞壑生石橋高思在且為看東坑

秋夜寄龍池貞空二上人

夜來思道侶木葉向人飄精舍池邊古秋山月下遙磬寒  
通數里雲白已終宵未得同居止儵然自寂寥

勝果寺

處默

路自中峯上盤回出碎蘿到江吳地盡隔岸越山多古木

藏青靄遙天深白波下方城郭近鍾磬雜笙歌

詠素玘

徐鉉 南唐人

儀甫秉忠信神明目來舍絳灌雖不容蠻貊皆從化榮名  
任紛糾道性常閒暇傳語當塗人無爲勞嘆吒

題周將軍廟

李思義

廓落大丈夫細行貽謗讟截虎斬長蛟入吳尋二陸高會  
氣有餘征西心不復行客想遠芳清風滿蘭菊

次韻蔣穎叔

蘇軾 才人

似知金馬客時夢碧雞坊冰雪銷殘臘煙波寫故鄉鳴鑾  
自容與立馬久四翔氣與三韓使新圖到樂浪

送客不及步至溪上

送客客已去尋花花未開未能城裏去聊復水邊來父老  
借問我使君安在哉今年好風雪曾見麥千堆

春來六十日笑口幾時開會作堂堂去何妨得得來倦遊  
行老矣舊隱賦歸哉東望峨眉小廬山翠作堆

望湖

八月渡長湖蕭條景物疎西風片帆急暮靄一山孤許國  
心猶在匡時術已虛峨峨家萬里投老得歸無

舟過湖泐泊丁山

孫覲

雞犬三家市蓬蒿一畝宮蘿牽籬幕翠葉隕砌堆紅宿鳥



來還去微泉咽復通幽林殊未已落日滿疎桐  
日下殘紅斂煙深積翠重鷗輕沒浩蕩魚樂自從容野盍  
迎秋穫鄰誦相夜春田翁有真意一笑酒中逢

題善權寺

顧逢

英臺脩讀地舊刻字猶存即碧鮮菴一閣出霄漢萬松連寺門  
洞深雲氣冷池淺鹿行渾山下流來水風雷日夜喧

題太湖

羅思純

三萬六千頃湖侵海內田逢山方得地見月始知天南國  
吞將盡東溟勢欲連何當漉為雨無處不豐年

雨後到南山村家

蘇軾

衝雨入窮山山民猶閉關橘垂茅屋畔梅映竹籬間奇石  
依林立清泉遶舍灣吾思隱茲地凝立未知還

題洞靈觀

仲殊 衲子

古觀多松檜幽期近暮秋坐看新月上間見斷雲愁野思  
同花鳥鄉情隔島州輕寒披鶴氅隱几自搔頭

題通真觀

陳鈞 元人

萬木鎖幽寂空虛夜氣清松風醒酒病蕉雨聽棋聲老子  
來分榻山人勸避名避名何處去煙浪五湖程

贈瀟湖隱者

陳師魯

延陵隱君子居傍五湖  
侶忘機鳥時收墜網鱗

忘世故樂矣見天真我亦耽幽趣於焉願卜隣

子山登樓有感

趙孟頫

西北高樓好登臨望眼空弁山橫雨外笠澤凌天東計乏  
千金藥應羞百鍊銅只應將世事都付酒杯中  
懷古情何極登危氣尚雄江山一時勝宇宙百年中翠袖  
愁空谷綈袍受朔風超然高舉意決皆送飛鴻

上金牛嶺

沈貞

一上金牛嶺令人野興多尋詩旋澗谷採藥挽藤蘿振臂  
風醒酒搖頭鳥和歌煙中起長嘯塵世欲如何

題顯親寺聽秋軒

柯九思

清池陰密竹幽鳥語嚶嚶夜靜天籟作白露下泠泠試問  
軒中士喧然果何聽無作亦無止虛空動性靈

題東坡橋頌

蘇軾

歐公家穎川坡老田陽羨是皆非吾士而乃此留戀種橘  
知何時何時歸去兮歸而謀諸婦惜無李衡妻

山居即事

葉景南

吟榻障松屏巖扉護竹亭臨風梳白髮對月讀黃庭洞古  
千尋巖峯竒萬疊青彈琴坐雲石頰惹鶴來聽

過重居寺

倪瓚

風雨入城府禪扉三日留清齋聊弄翰曉浴更梳頭石鉢

香煙細經幢樹影稠移舟未寒露必泊聽鳴鳩

遊善權寺

來窺善權洞一上李公樓水映巖前引雲桂松際浮燃燈  
長不夜垂釣只虛舟欲讀吳朝史真成冒雪遊

送李徵過荆溪訪王司丞

何處尋往客故人王子猷花落庭前樹風吹溪上舟紫筍  
生春雨綠蘋滿芳洲心隨酒船發悵望不能休

酬王彝齋

荆溪丘壑遠暇日得躡攀好客時相過高人意自閒敲門  
看脩竹卜宅近青山勝事今寧有幽吟一

過太湖

程煜

擊楫中流去西風客思催地吞南極盡波撼北冥回蛟館  
懸秋月龍宮起夜雷濯纓人不見長嘯倒金壘

題荆南精舍

吳采

憶昔荆溪過徵君舊宅前畫船勝上馬春水似登天楊柳  
魚堪貫懷香鴨對眠祗今共飄泊回首一凄然

送方韶父遊五湖

楊仲弘

蕭蕭垂素髮渺渺泛蒼波過眼江山好離家日月多詩名  
終不朽世事復如何一往五湖上蒼茫問釣蓑

游會仙巖

徐伯通

溪水碧溶溶東南聳衆峯斷崖蒼蘚合深塢白雲封幻世  
真堪厭仙縱不易逢何年傍西崦結搆遂踈慵

題荆南精舍

遂初 衲子

荆南山水郡畫中今是非兵戈零落後無復石泉竒白葛  
單精舍蒼苔荒屐其故鄉歸未得遊子寧無悲

周侯祠

蔣茂與 羽流

墳穿金甲去英義孰能齊射虎城南麓斬蛟祠下溪政聲  
傳宇宙文焰拂雲霓莫恠征西事令人倍慘悽

過任昉釣臺

周砥 國朝

雪樹參差短寒山迢遞明深春釣臺沒殘照夕嵐輕萬化

同斯盡孤名如水清誰悲范僕射千載是交情

過西澗

放鷓白石上曳履青林間近竹門自掩採樵人未還草生  
西澗雨雲斂南湖山遊咏以終日相依道者間

望頤山

曾着頤山屐穿雲古洞歸松浮仙嶠日花落女蘿衣翠壑  
晴蜺飲丹房玉燕飛煙塵此時路長望一歔歔

過任彥昇釣臺

馬治

寂寂山水郡依依今古名斯人同化盡繫纜舊臺傾汀樹  
煙中沒寒禽沙際鳴無人坐垂釣永念彼平生

過西澗

虛舟信所往行止若無端適此清秋日幡然悲路難竹林  
夜來雨茅棟已驚寒一幸朋儔接空山予少安

望願山

斜日水南行蒼然雲景清遠山時在望仙洞故知名楓葉  
凝秋色藤花落晚晴西陽亭不見惆悵翳榛荆

善權洞

架壑應神變開岩感鬼工一潭清自照四海曲相通石髓  
臺前綠丹砂井畔紅張公亦連近來往有無中

陽羨茶

靈芽發天秀泉味帶香清蛇啣頰恠事鳳團虛得名採摘  
盈翠籠封貢上瑤京願因錫貢餘持贈君遠行

題王允剛山齋

谷口水南出山齋春日遲游綠芳草徑歸燕落花時磻有  
彈琴石巖將洗玉池王喬古仙伯來往亦何期

前題

盧熊

窓虛納空翠松高度流雲抱茲煙霞澗來尋麋鹿群靜趣  
閑自得世榮杳無聞不學矯名者徒孤北山文

前題

朱孟筠

鹿跡遍苔街茶煙出蘿扉物理靜自悟幽懷淡忘機雨晴

竹樹淨日落漁樵歸鴻鵠志有得畫圖知者稀

南山翠靄

王超

山色靜沉沉山雲晚更深松林緘積翠蘿屋覆輕陰已見  
回春意終含澤物心悠然日相對嘯咏集朝簪

南山小隱

一室南山下蕭然雲半間芹蕙便病齒野服稱衰顏塵鞅  
何曾到仙輶或可攀莫嫌渾嬾媿幽事亦相關  
雲林幽勝處徐孺有茅亭巖溜到池靜簷峯隔幔青山瓢  
椰子酒石室蓋珠經媿彼塵途客東華夢未醒

張渚歸舟

落日半帆收張溪古渡頭花明汀樹雪香冷渚蓮秋碧浪  
搖檣影青山枕舵樓曾知風景好記此一停舟

青嶺春蘭

南嶺得春早幽蘭滿谷生纖纖翠羽葉細細紫瓊英雪凍  
根不死風吹香更清未須紉作佩雨露自敷榮

東湖別業

章闈

老年厭城郭湖上最情親踈雨看山蔽東風采澗蘋鳥啼  
花樹晚鹿下野堂春當路多雄士誰能訪隱淪

唐李丞相墓

沈周

相公亦自智一夢托浮屠後保人探殉先憑釋化愚檟林

巢夜鶴隧道笑秋孤十月年年忌蘋蘩走衲徒

大潮山

卞榮

陽羨誰爲鎮東南第一峯  
陂陀結蘭若湖水浸芙蓉  
禹貢良材具坤輿秀氣鍾  
出雲作霖雨此處有人龍

太湖

三萬六千頃都來是具區  
神魚常變化陽鳥自攸居  
有穴通東武無涯測太虛  
洞庭多橘樹柳毅不傳書

玉女潭

潭水清無底桃花別有春  
不來浣紗女惟見弄珠人  
窅窅通仙境深深隔世塵  
獨孤高詠在重爲勒貞珉

陸欄山房

曾聞陸丞相歸隱願山中  
讀易老不倦作詩窮更工  
古臺荒蘚雨空塢落花風  
趙令嗟生晚懷賢意莫窮

天申宮

開元奏龍簡真境屬天申  
寶劍七星燄碧桃千樹春  
官墻疑似舊宸翰宛如新  
羽客曾迎我尋碑晚步頻

大潮山

夏瑄

雨歇捲疎簾嵐收見孤嶺  
丹浮蜃氣明翠接波光迥  
露花松屋香几葉荷翻影  
白雲何處來半掩青蘿頂

菴畫溪

苔草翠連堤春流綠漲溪不知溪遠近但見樹高低雨過  
衣巾發風來鳥亂啼藤翻波影碧妙絕畫難題

石蘭渚

蒼蒼雲外林隱隱煙中渚露冷泣紅蘭風清歌白苧草色  
暗遙汀波光蕩孤嶼落日聞棹聲滄洲渺何許

張公洞

山盤棧道危洞鎖煙霞古砂牀滴露華石乳流雲母谷暗  
燕交飛崖傾蟾半吐萋萋瑤草芳仙迹何由覩

玉女潭

亭聞瓊島女照影玉潭中鳳管吹明月鸞輶遡遠風松雲

籠翠花雨墜波紅欲訪金丹祕還疑路未通

陸相山房

懷綠野堂欲訪午橋莊室構青峯下窓臨碧沼旁臺芳  
花隊露樹古葉埋霜慨想當時隱高風杳莫忘

東坡別墅

譽望隆一時文彩凌千古儒風變南夷化雨沾東魯晚卜  
陽羨居而與煙霞伍悠悠楚頌亭渺渺瀟湘浦

天申宮

月殿倚蓬萊雲梯接露臺束荆蒸白石掃葉惜蒼苔瀑水  
山瀉落桃花洞口關步虛聲未已松頂鶴飛來



大湖山

馬愈

峩峩大湖山雲氣日來往中有仙人居軒窓靜而敞仙人  
采真遊歸來月華上載唱逍遙詞空山有餘響

太湖

太湖何茫茫一望渺無極但見青蓮花差我水中立仙人  
雙髻丫弄影鏡光碧皎皎山月高船頭幾聲笛

番畫溪

溪藤蕩微風溪水清見底照映青藤花搖搖不能已仙人  
紫綺裘嘯詠溪光裡嘅彼塵俗心誰能此涓洗

石蘭渚

太湖濱涉彼石蘭渚光風汎崇蘭采之欲誰予將以  
遺所思芳馨自相許所思恒不來徘徊重延佇

張公洞

懸崖瀉紅泉石洞掛鍾乳仙房碧玉梯清涼了無暑仙人  
洞口呼相隨着花去欲往還自迷雲深不知處

玉女潭

潭花散清香潭影照眉宇不見玉女容騎鸞杳何去丹光  
罷青紅石屋亦輕舉惟有菰蒲根年年自春雨

陸相山房

陸君真不凡作相秉樞軸歸來住願山清泉遶茅屋空堂

儼遺像夜深螢火觸時有仙人過題詩吊幽獨

東坡別墅

坡翁玉堂仙名與蜀山重來題楚頌亭不作黃州夢木奴  
已荒涼清風許誰共千載玄都桃劉郎有佳詠

思沈懋常

王徽

故老歸何處令人憶卧龍一生君子行五品大夫封雨暗  
新移竹雲間舊看松荆溪溪上路杖屨有遺蹤

南山小隱

沈暉

小隱南山下柴門對畫溪石泉分鹿飲庭竹與僧題硯  
松花雨書沾燕子泥山窓日高卧夢不到金閨

望太湖

野老春湖上高臺夕照間天邊時白鳥煙外忽青山神禹  
功何大陶朱去不還古今無限意逝水自潺潺

三洞橋圮

雄據當津要風濤日夜雷久傷天柱側忽訝玉山頽雨霽  
長虹沒天寒白鶴回往來人病涉誰是濟川材

泛湖

十月霜露肅山寒木落空江湖萬里棹天地兩髯翁把酒  
波心月披襟樹杪風玉簫吹夢醒孤鶴過船東

雨宿大潮寺

蕭條葉上兩人在夜窓中擾擾謝塵事惺惺喚主翁窺天  
一管小航海百川通偶見庭花落因知色是空

蜀山書院

陳公懋

萬疊雲山裏坡仙迹已陳依微殘壁夜寂歷野花春光氣  
橫孤漢文章滿後塵懷賢動長思何處采芳蘋

大潮寺

勝地開禪處湖山第幾層疎林聞夕磬遙磴度寒僧高閣  
千峯雨深潭六月冰題詩寄沈約消夏可同登

萬松樓霽雪

陳澤

層構萬松杪登臨雪霽天瓊花光錯落玉樹色清妍谷口

通樵徑磯頭放釣船湖山如畫裡吟思獨悠然

游善權洞

時宜興尹何伯直同行

揚一清

餘興尚崔巍盤旋去却迴停杯遲山月躡屐破林苔歌吹  
緣雲上茶煙引鶴來奇觀誰解賦何遜故多才

吳心遠送茶筍

邵寶

人憶荆溪上茶來穀雨前兩封專走僕七碗或通仙露蘄  
蕪將筍風漪已試泉東坡詩句在歌罷一冷然

荆溪道中

孫一元

樹木蒼崖立遙遙溪路微浪花  
鳴下頽雲凍不飛還尋舊遊處  
山影上人衣饑鵲

游善權洞次邃菴韻

張愷

裴徊幽賞愜落日放船迴醉舞風前竹詩留水上苔同遊  
成暫別餘興約重來一嘯驚山鬼無論濟世才

望善權寺

李鳳

路入善權寺依稀隔幾峯雨溪遙認竹風壑近聞松已報  
孤山鶴應驚水洞龍雲低不可到擬聽上方鍾

君山寓牆去竹出

杭淮

愛汝西軒竹于今去短牆煙雲初出色冰雪漫生香漠漠  
石俱晚蕭蕭月有光相看貞靜雅夜久復移牀

君山寓對竹

塵市稀逢竹翛然見此叢疎風含壁細晚翠落庭空燕國  
冰霜後湘江煙雨中但令人不俗相對興還同

遊新寺

段金

新刹開何日應隨相國緣寶輪消歷劫香閣隱諸天潭靜  
看猿掛林深赴鹿眠重來渾不厭心已學安禪

東坡書院

方豪

蜀山脩竹裡坡老廟祠存未單生前志應牽死後魂游人  
風雨至賢者鬼神尊何日開遺趾茅簷溪上村

同吳頤山諸公荆溪泛雪

王大用

重過秦伯宅共作剡溪遊愛雪飄尊俎看山失島丘水雲

無逝鳥簑笠有漁舟與盡已昏黑醉歸鸚鵡洲

遊善權洞泛舟早發

朱寔昌

諸天昏黑到六舫早晨開送客江無浪昇仙山有臺遠溪  
橋斷續春渡水滌泐夜有微微月平川任往來

登三洞次段子辛韻

篝燈驚蟄蝠野燒起棲烏壑轉蛟螭暗厓懸獅象孤珠簾  
翻水壁蘿徑掛松圖何日朝簪解相從靜者徒

登善權寺山

劉蘭

峯嶺巒崔嵬登臨曉色開吳王猶故國李相已荒臺江鳥  
天邊去山猿日下來何須清盥罷已覺遠塵埃

游興公洞

吳任

洞府曾霞上雲屏仙掌開金支非幻影玉女此香骨白日  
天門較玄泉地底洞恍然鸞鶴駕時與朗風來

游善權寺

杖策摩崖入翠微  
雲從足下生  
風森華羽明月殿瑤臺人與  
靈壑通天德  
身遊真境  
客已久誰為  
關荒萊

久夜行

木落巖巒影  
寒沙虛窺鳥宿  
溪轉覺波  
窺危酒  
不妨滿  
爐香  
官有佳景  
還擬雪晴看

遊善權寺

五雲漢上...法青道相天香金縷永亂山  
開宴坐高竹...春屐何時與揚飛

峯回谷仍...曲澗春沉細微風午坐深惜花  
聊對...心更好樓頭景鈞

五橋隱居

徐問

扁舟...水抱雲廊半山迴竹時長避人

心更...未訂重來約因風報短章

竹樓雜集

圍塢...林野泉流石細密竹匝巖深列坐

淹長夏叢談見古心追隨亦何幸重許數相尋

清明日將至宜興大風雨

蔣山卿

客裡清明過湖邊風雨多山川空悵望花柳奈愁何禽響  
還幽谷鷗浮只淺莎春光漫搖蕩吾意轉蹉跎

善權寺

翠濕花巖雨寒飛白石雲乾坤留勝跡霹靂有遺文松古  
虬龍偃山深虎豹聞應須結茅宇終老卧氤氳

菴畫溪泛舟

水向桃花發溪從菴畫遊春風謾搖蕩孤棹好夷猶碧浪  
牽魚藻清沙點雪鷗任公釣臺在吾欲一垂鈎

夏日訪杭中丞山居

湖開通百瀆橋轉帶新塘朝爽群峯秀涼陰萬木蒼青林  
繁石閣玉澗抱山房我亦幽栖客清襟自激昂  
落帆鴛鴦渚捲幔鳳凰山澗壑人稀到柴荆晝不關清虛  
無物役瀟灑異塵寰何日營茅宇扁舟任往還

玉女潭

聞人銓

玉女今何在清簫隱玉峯澄潭涵皓月倒影落芙蓉雲卧  
三千劫關深百二重新樓何日起容我淬雙龍

過李山寺

杭濂

北風吹原隰浩興滿江山凍屐林深淖寒雲寺掩關物色

歲經暮風塵客弊顏感舊徘徊地天空獨鶴還

下澤禪院

野寺清風棹霜天黃葉林蕙香秋徑白松翠石堂深水木  
生秋籟桅檣墮夕陰迴橈風雨急幽興寄清吟

武穆廟池上

暝色闇闇入孤城莽莽空客愁元浩蕩薄俗笑凡庸暄暖  
蚊蟲出號鳴鸛鶴雄他時寄題字寥落道人宮

睥睨秋光合川原夕露滋清池延客坐明月助人竒獨鶴  
胡爲舞嘉花故自遲徘徊牛斗下此夜宵誰知

暮春游陽羨

唐順之

青溪知幾曲惟見白雲深一入靡蕪境欣聞樵採吟春鶯  
未停囀夏葉始繁陰乘此縱長嘯悠然物外心  
洞口石縱橫流泉復有聲柴門何處入雞犬自相迎靈草  
知昏曉時禽識雨晴非因罷官久誰得此間行

游宜興望溇湖秋色

王子卿

秋湖閒玉鏡遠水帶長虹煙樹千山合松筠一徑通征帆  
懸落日鴈字急西風笑殺雲林客翻將入畫中

張公洞天遊覽

蔡汝楠

海水流丹壑山雲閉綠苔洞門方半啓石扇忽中開深境  
明還晦仙蹤去復來始知三島外別自有蓬萊

會仙巖

方涯

夙代丹成者茲巖秘壁間曾經滄海變猶自白雲閒揮手  
謝時去冲天何歲還石牀今寂寞千載禮寒山

登玉女潭

沈敬

玉女仙遊去驟鸞入太清水沉捐珮冷花壓墮簪橫夜月  
瑤岑鶴春風錦樹鶯自憐多俗骨無計駐蓬瀛

張公洞

李文

採真成汗漫散策北慙慙緝綠消巖雪玄黃合洞雲吟龍  
千尺下懸象兩儀分秘跡無何有谷聲時一聞

月下過東溪



波光隨月靜，星彩麗天繁。  
解艦聲初發，琉璃影自翻。  
寒虛龍伯國，清徹太微垣。  
萬里銀潢去，無勞別問源。

金陵暮春別後懷義興沈子克寅

沈約東吳去，蘭舟洗玉河。  
青春應作伴，白雪憶高歌。  
迴鴈荆溪盡，殘鶯澤國多。  
相思曲江綠，斜日下煙莎。

移屠嗟僦屋，客裡更分携。  
日暮烏衣巷，春深菴盡溪。  
鳳簫和月聽，驥子踏花嘶。  
歸路多新賞，樓船綠玉堤。

憶子東歸日，山深春未殘。  
曲溪仍故道，雙洞有奇觀。  
谷口風花媚，江門雪絮寒。  
別來憐病客，春服轉加寬。

雨中遊善權山洞

顧雲龍

古洞雲煙合，狂遊風雨多。  
冠裳俱笠笠，燈火足觴歌。  
玉乳懸疑滴，平崖翠欲磨。  
何當天日朗，重此共婆娑。

陰穴蛟龍蟄，危巖虎豹馴。  
窮探身似幻，冥想世俱塵。  
黯慘林間午，清虛物外春。  
歸塗驄馬滑，拚倒接羅巾。

絕壑依雲入，清湍得雨奇。  
避人驚石燕，從客問仙芝。  
覽眺情殊戀，扳躋力不支。  
恍疑王子晉，笙鶴下瑤池。

寺入蒼松陰，溪流碧澗長。  
朱甍迴翠嶺，清磬出琳琅。  
伏火寒丹竈，荒臺掩鏡粧。  
山堂芳宴晚，余亦忘江鄉。

雨中遊善權

周天球

山雨颯寒愁，山嵐翠欲流。  
不孤携屐往，直擬採真遊。  
木落

字表書屋  
荆溪外紀卷之三  
五  
蒼崖豁泉鳴古洞幽仙期不可即濁酒漫淹留

荆溪外紀卷之三

荆溪外紀卷之四

邑人楚山沈較編輯

真州雲磬李文校正

五言古風

涉湖

李頌晉人

旋經義興境頓棹石蘭渚震澤為何在今惟太湖浦圓徑  
業五百眇目渺無覩高天森若岸長津雜如縷窈窕尋灣  
漪迢遞望巒嶼驚颭揚飛湍浮霄薄懸岨輕禽翔雲漢游  
鱗憩中澣黯藹天時陰堯岩舟航舞憑河安可殉靜觀戒  
征旅

蘭臺聚

陸倕 梁人

和風雜美氣下有貞人遊壯矣  
若賢哉陳太丘今則  
蘭臺聚方古信為儔任君本識遠  
張子復清脩既有逸塵  
到復見黃中劉

遊離山

庾肩吾

去子平已久餘風今復追未必遊  
春草王孫自不歸寒雲  
間石起秋葉下山飛

泛長溪

任昉

徇綠聚歸糧依隱謝鞞勒絕物甘離群  
長懷忽去國長溪  
水東舍震區窮水域道遇垂綸叟  
聊訪問津感珥撤申丸

言無為累牽纏長泛滄浪水平明至昏黑

落日泛舟東溪

黝黝桑柘繁芄芄麻麥盛交柯溪易陰  
反景澄餘映吾生  
雖有待樂天庶知命不學梁甫吟  
唯識滄浪詠田荒我有  
役秩滿余謝病

出義興傳舍哭范僕射

平生禮數絕式瞻在國楨一朝萬化盡  
猶我故人情待時  
屬興運王佐侯民英結懽三十載生死  
一交情攜手遁哀  
孽接景事休明運阻衡言革時  
泰玉階平濬冲得茂彥夫  
子值狂生伊人有涇渭非余揚濁清  
將垂不忍別欲以遣

離情不忍一時意千齡萬恨生已矣平生事詠歌盈篋笥  
無復相嘲謔常與虛舟值何時見范侯還敘平生意與子  
別幾辰經塗不盈旬弗覩朱顏改徒想平生人寧知安歌  
日非君撤瑟晨已矣余何歎轍春哀國均

同徐侍郎五雲溪新亭重陽宴集

獨孤及唐人

萬峯蒼翠色雙溪清淺流已符東山趣况值江南秋白露  
天地肅黃花門館幽山公惜美景肯爲芳罇留五馬照池  
塘繁絃催獻酬風前孟嘉帽乘興李膺舟騁望傲千古當  
歌遺四愁豈令永和人獨擅山陰遊

贈從孫銘宰義興

李白

天子思茂宰天枝得英才朗然清秋月獨出映吳臺落筆  
生綺繡操刀振風雷蠖屈雖百里鵬騫望三台退食無外  
事琴堂向山開綠水寂以閑白雲有時來河陽富奇藻彭  
澤縱名杯所恨不見之猶如仰昭回元惡皆滔天疲人散  
幽草驚川無活鱗舉邑罕遺老誓雪會稽耻將奔宛陵道  
亞相素所重投刃應桑林獨坐傷激揚神融一開襟絃歌  
欣再理和樂醉人心蠹政除害馬傾巢有歸禽壺漿候君  
來聚舞若謳吟農人棄簞笠蠶女墮簪纓歡笑相拜賀則  
知惠愛深歷職吾所聞稱賢爾爲最化洽一邦上名馳三

江外峻節貫雲霄通方堪遠大能文變風俗好客留軒蓋  
他日一來遊因之嚴光瀨

泊震澤口

薛處

日落草木陰舟徒泊江汜蒼茫萬象開合沓聞風水泗公  
值漁翁窈窕同窳窳同逢樵子雲開天宇靜月明照萬里早鴈  
湖上飛晨鍾海邊起獨坐嗟遠遊登岸望孤洲零落星欲  
盡瞳朦氣漸收行藏空自秉智識仍未周伍胥既伏劍范  
蠡亦乘流歌竟鼓楫去三江多客愁

尋東溪還湖中作

劉脊虛

山更田首日暮清溪深東嶺新別處數猿叫空林昔遊  
初有迹此路還獨尋幽興方在往歸懷復為今雲峯勞前  
意湖水成遠心望望已超越坐鳴舟中琴

東溪玩日

王昌齡

月從斷山口遙望千巖萬木紛空霽流陰中夜攢光連  
虛象白氣與風露寒谷靜秋泉響巖深青靄殘澄清入幽  
夢影破抱空巒恍忽琴窓裡松溪曉思難

題高雲客舍

皇甫冉

孤興日自深浮雲非所仰窓中西城峻樹外東川廣晏起  
簪葛巾吟倚藜杖阮公道在醉莊子生恒養五柳轉扶  
踈千峯忽來往清秋香穫成白雲寒菜長吳國帶風煙平

陸廷夢想時人起纓弁高鳥違羅網世事徒糾紛吾心方  
浩蕩唯將山與水處處諧真賞

賦得荆溪夜湍送蔣逸人歸義興山

驚湍流不極夜度識雲岑長帶溪沙淺時因山雨深方同  
七里路更逐五湖心揭厲朝將夕潺湲古望今花源若許  
到雖遠亦相尋

寄高雲

南徐風日好悵望毘陵道毘陵有故人一見恨無因獨戀  
青山久唯令白髮新每嫌持手板時見著頭巾煙景陰寒  
食農桑接仲春家貧仍嗜酒生事今何有羣鳥遍江南勞

心憶携手

張公洞

李栖筠

一徑深窈窕上升翠微中忽然靈洞前日月開仙宮道士  
十二人往還馭清風焚香入深洞巨石如虛空夙夜備蘋  
藻詔書祠張公五雲何徘徊玄鶴下蒼穹我本道門子願  
言出塵籠掃除方寸間機與神靈通宿昔期夢想契之在  
深衷遲迴將不還章綬繫我躬稽首謝真侶辭滿歸相從

春日題山家

偶與樵人熟春殘日日來依岡尋紫葢挽樹得青梅燕靜  
啣泥起蜂喧抱藥回嫩茶重攪綠新酒畧炊醅漠漠蠶生

紙涓涓水弄苔丁香正堪結留步小庭隈

息舟荆溪陽羨南山遊善權寺呈李功曹巨

羊士諤

結纜蘭渚曉柴車上連岡晏温值初霽去繞山何長獻歲  
冰雪盡細泉生路旁行披煙杉入激瀾橫石梁層閣表精  
廬飛薨切雲翔冲襟得高步清眺極遠方澗嶂積佳氣萸  
萸多早芳具觀澤國秀重使春心傷念遠煩促途榮利驚  
榮光勉君脫冠意共匿無何鄉

寄義興小女子

孟郊

江南莊宅淺所固性踈離小女未解行酒弟老更癡家中

多吳語教爾遙可知我詠元魯山胸臆留甘滋終當學白  
乳起坐常相隨

西溪

李商隱

悵望西溪水潺湲奈爾何不驚春物少只覺夕陽多色染  
妖嬈柳光含窈窕羅人間從到海天上莫爲河鳳女彈瑤  
瑟龍孫撼玉珂京華他夜夢好好寄雲波

秋晚寄題陸勳校書義興禪居時淮南從事

李郢

禪居秋草晚蕭索異前時蓮幔青雲貴翱翔絕後期蘚房  
檉架掩山砌石盆欹劒戟晨趨靜笙歌夜散遲谷寒霜狄

靜林晚磬中悲惠遠煙霞在方平杖屨隨骨清瀆貴達神  
重有威儀萬卒千蹄馬橫鞭從信騎

題茶山

杜牧

山實東南秀茶稱瑞草魁剗符雖俗吏脩貢亦仙才溪盡  
停蠻棹旗張卓翠苔柳村穿窈窕松澗渡喧虺等級雲峯  
峻寬平洞府開拂天聞笑語特地見樓臺泉嫩黃金湧山  
金沙泉脩貢湧出罷貢即絕牙香紫壁裁拜章期沃日輕騎疾奔雷舞  
袖嵐侵澗歌聲谷答迴磬音藏葉鳥雪豔照潭梅好是全  
家到蕪爲奉詔來樹音香作帳花徑落成堆景物殘三月  
登臨愴一杯重遊難自尅俛首入塵埃

贈許七侍御東歸

天子繡衣吏東吳美退居有園同庾信避事學相如蘭畹  
晴香嫩筠溪翠影踈江山九州後風月六朝餘錦肆開詩  
軸青囊結道書霜巖紅薜荔露沼白芙蓉睡雨高梧密棋  
燈小閣虛凍醪元亮秫寒鱸季鷹魚塵意迷今古雲情識  
卷舒他年雪中棹陽羨訪吾廬於義興縣近有水榭

雪中書懷

時居義興

臘雪一尺厚雲凍寒頑癡孤城大澤畔人踈煙火微憤悵  
欲誰語憂愠不能持天子號神聖任賢如事師凡稱曰治  
具小大無不施明庭開廣敞才雋受羈維如日月纏昇若



鸞鳳歲蕤人才自朽下棄去亦其宜北虜壞亭障聞屯千里師牽連久不解他盜恐旁窺臣實有長策彼可徐鞭笞知蒙一召議食肉寢其皮斯乃廟堂事爾微非爾知向來躡等語長作陷身機行當臘欲破酒齊鞋不可遲且想春候暖甕間傾一卮

泛五雲溪

許渾

此溪何處路通問白髯翁佛廟千巖裏人家一島中魚傾荷葉露蟬噪柳林風急瀨鳴車軸微波漾釣筒石苔繁棹綠山果拂丹紅更就前溪宿村橋與剡通

茶山作

素高

禹貢通遠俗所圖在安人后王失其本職吏不敢陳亦有姦佞者因茲欲求伴動生千金費日使萬姓貧我來茶山境得與茶事親忙輟耕農來採採實苦辛一夫且當役萬室皆同臻捫葛上欹壁蓬頭入荒榛終朝不盈掬手足皆皴鱗悲嗟遍空山草木為不春陰嶺芽未吐使者牒已頻心爭造化力先走鋌塵均選納無晝夜擣聲昏繼晨衆工何枯槁俯視彌傷神皇帝尚巡狩東郊路多堙週迴繞天涯所獻逾艱勤况減兵革困量茲固疲民未知供御餘誰合分此珍顧省忝邦守又慙復因循茫茫滄海間丹憤何由申

愛玉女洞中水既致兩餅恐後復取而為使者見  
給因破竹為契使金沙寺僧藏其一以為往來  
之信戲謂之調水符  
蘇軾 宋人  
欺謾久成俗關市有契繻誰知南山下取水亦置符古人  
辨淄澠皎若鶴與鳧吾今既謝此但視符有無常恐汲水  
人智出符之餘多防竟無及棄置為長吁

送潞都曹

積雪困桃李春心誰為容淮光釀山色先作歸意濃我亦  
倦遊者君恩繫踈慵欲留耿介士伴我衰遲蹤吏課升斗  
積崎嶇等鈔舂那將露電身坐待收千鍾結髮空百戰市  
人看先鋒誰能搔白首抱關望夕烽子意諒已成我言寧  
復從恨無垂崖老一洗芥蒂胸我田荆溪上伏臘亦粗供  
懷哉江南路會作村下逢

挽滕達道

雲夢連江雨樊山落木秋公方占賈鵬我正買龔牛共有  
江湖樂空懷畎畝憂荆溪欲歸老浮玉偶同遊翫髀儀刑  
在驚呼歲月道回頭雜歌笑挽語不成謳

冬至與諸生飲

小酒生黎法乾糟瓦盎中芳辛知有毒滴瀝取無窮凍醴  
寒初泫春醅暖更饒華夷兩樽合醉笑一懽同里閭我山

北田園震澤東歸期那敢說安訊不曾通鶴髮驚全白犀  
圍尚半紅愁顏解符老壽耳闕吳翁得殺鷺初飽亡猫鼠  
益豐黃薑收土芋蒼耳斫霜叢兒瘦綠儲藥奴肥為種松  
頻頻非竊食數數尚乘風河伯方夸若靈媧自舞馮歸途  
陷泥淖炬火燎茅蓬膝上王文度家傳張長公和詩仍醉  
墨戲侮亂群鴻

冲寂觀

蔣之奇

樓閣鬱穹窿清都幸此逢兔藏賢令井鯨吼貳卿鍾花覆  
瑤臺暗香飄寶鼎濃仙居赤城洞人住玉霄峯棋響風敲  
竹琴棲月在松雲霞隨步武猿鶴伴從容湖漲銷千尺山

浮黛色重人間真福地物外是靈踪驚嶺標香剎蛟溪接  
近封粉榆偏在念桑梓更惟恭學道功成就冲霄願必從  
他年隨羽化橫誇葛坡龍

游張公洞

并序

尤袤

舟次湖汭待季父伯兄遊洞靈步行五里夾道  
皆喬木參天鶴巢其上若笑若笑語水瀟瀟鳴  
聲甚悲殆不類人間也入洞靈言前賢鑿題  
徘徊久之由石徑里許達于洞洞深數十丈磴  
道險絕俯僅可下下寬廣容數百人六石離  
立或下聳欲落若劍盾矛戟相撐柱或連岬  
起而不斷若虎豹蹲伏俯躍而亭樓中有小門  
持炬乃得入丹竈井田在焉山石鑿而上皆流  
石惟形無窮其狀旁行屈曲蓋深遠不可到其  
陽有懸崖滴乳水水流澗谷下細下大自成宮  
商橫澗得小閣可憩朱藤纏絡崖上丹花簌簌  
下墜芬芳襲人毛髮凜然欲少留而大風作遂

歸余遊山川多矣茲遊最可紀因成  
五百字贈我同志以備他日觀覽焉

五開荆溪南有地仙所宅十年勞夢想今日着脚歷扁舟  
下湖沃水漲沒沙磧結纜小橋旁杖藜從此適平岡面陂  
陀疊嶂堆礮積行行三兩里夾道喬木植其木幾合抱其  
高乃千尺風生萬壑響日照四山赤時搖樹林杪忽見屋  
宇眷宮門何崢嶸古道頗脩直長廊景曠曠崩殿人寂寂  
寥落昔賢題摩挲壁間墨捫蘿上層巔俯瞰得深窟危梯  
交枝撐鳥道穿詰屈投身乍寬闊跼步仍逼窄攀援愁顛  
躋傲睨驚險僻懸崖朶頰亂石供劍戟白雲何時橫乳  
溢或自滴中空正瀕洞了不見天隙冥行迷近遠偃僂猶

摘埴巉巖豈人工隱軫入地脉窮幽或篝火俯跪僅容席  
仙壇尚故處丹竈儼遺跡山虫嗚啾嘍野鼠聲噴噉傳聞  
老父語以往真莫測中有白玉堂橫絕巨石塞傍連洞庭  
野欲去不可極潛窺日先旋縱走膝無力遭迴步西徑突  
兀出峭壁樅風高枝樛藤蔓青陰翳芳草何芊綿丹花亦  
狼藉躑躅古亭上頽仰幽澗碧叮嚀下流水磊砢欲落石  
雖云培塿高氣與蒿華敵其南有空穴澹瀕數幽黑陰風  
牙吞吐冷氣森噴逼蛟龍久伏藏金玉闕簡冊靈蹤信茫  
昧幻恠紛慘戚將無神物守欲與世壤隔平生丘壑念蒼  
歲泉石癖豈不思三山所恨無六翮樂哉茲辰遊逸興潛

有激仙翁在何許綠髮尚如昔髣髴笙簫聲徘徊鸞鶴翼  
俗緣磨不盡夢境坐形役何堪築衡茅幽時窮日夕風雲  
西北起天地忽改色倉皇促歸旆造物豈戲劇良遊易乖  
悟真賞難再得寄語山中人重來儻相識

遊善權山留題三首

陳克

神仙何時開中虛仰縈盤呀然九地低恠此天壤寬窮膏  
闢瓊戶瑰瓏綴珠鬢陰道差險絕真形謝雕劊閨風安在  
哉突兀浮雲端天高鬼神惡欲往良獨難空飛遽未暇穴  
處如何安相將三重茅勢面玄都壇仙田滿嘉植王彩長  
闌干心空腹自實寧計米鹽殘

右乾洞

去寺里餘石室空洞可坐  
千人中有仙田及鹽米堆

逶迤步哀壑跼踏生微瀾慘慘白日暮蕭蕭朱夏寒崖傾  
勢方壯石出水益湍淙流響磬瑟突起橫鎖干微踪乍渺  
茫妙想快盤桓我今人世間所向行路難如何洞宮脚危  
磴仍屈蟠神傷阻獨往髮豎兩股酸了知仙凡隔坐惜歲  
月殘心違泪交墮已去猶長嘆

右水洞

在石室下巨石巉聳水流石間聲極悲  
壯行數百步所見益奇恨水深不能揭

爾

岡巒誰穿空脉液互吞吐憑虛倚翠巖發地涵潼乳哀絃  
響崖寺清鏡照林塢縈坻驟山折啣石猶飛舞津涯浩

窮神恠傳自古參差見坤軸是蕩連水府微生寄荒絕  
病厭鹹苦永懷宅清冷勅力事農圃青秧漸出水紫筍新  
過雨無慚種秫陶更似煎茶羽

右寺後秋水

山之衆水皆注洞中而伏流寺後  
岩石奇秀廣不踰丈然未有測其  
深者傍山民田皆引以灌溉歲早  
踏車泉上輒致雷雨泉中有神魚  
其狀甚偉

避地山亭野步

汪藻

今日幸無兩天空出遙岑行行不知疲遂至春江潄汲路  
轉籬落人家在桑陰平疇漲清波隴麥如人深溝畝戲鳧  
鷺新蒲映浮沉我生本魚樵對此諧初心風物豈不好悲  
來難自任胡塵暗中原四海如驚禽黃屋狩萬里兩宮隔  
辰參龍移螻蟻窺月晦蟾蜍侵宇宙有傾覆茲遊豈嶮嶽  
消憂賴濁醪太息誰能斟

龍巖

孫覲

日上千峯亂風涵萬壑秋兩崖折天罅一水漲巖幽絕岸  
飛橋過尋源秉炬遊倚空翹翠葆漱石走蒼蚪老樹攬天  
立犇雲接地流壯懷開浩蕩病骨聳颯颯皓首殊方去清  
尊盡日留無人與說似勝事滿南州

龜潭二首

真源閔僊局一綫下佛龕來從白馬洞聚作烏龜潭觸石

細瑟瑟循途走涵涵漱齒類齧雪湔衣真佩藍醉紅灑面  
醒衰白照影慙延緣逐清景拄策縱幽探

心空閑有味境寂澹無營石鼎脹豕腹幽幽暗泉鳴銅盤  
印鳥跡漠漠微雲行起挽枝上紅細傾榼中清提壺亦勸  
飲布穀仍催耕悠然獨往願一笑愜平生

湖汭上塚繫舟丁山田舍小憩

清溪三百曲一片春風綠茅屋有人家窈窕闕深竹老去  
耽田里寓目快新矚風漪卷翠綃雲巘鏤蒼玉尋盟喚白  
鷗解佩贖黃犢獨嘯無一人傳聲滿空谷

題宜興閭丘令巢鳳亭

少年有殊相瓠白非臞儒三吳山水窟見此紫鳳雛家無  
儋石儲腹有萬卷書陳編踐芻狗博具抵牧豬手持半段  
槍伎養始一呼倒海探龍頷據地將虎鬚有客持釣樞大  
書表其間盛事傳不朽畫入荆溪圖

寄題蔣宣卿景坡堂

有序

紹興壬子某南遷過疎山上一覽亭見擬東坡  
煨芋詩刻龕之壁間詩律句法良是殆不可辨  
乃宣卿侍郎守臨用時所擬作也後數日道次  
安仁縣一士人吳君出宣卿詩數十解示余奇  
麗清婉咀嚼有味如啜蔗然讀之惟恐盡於是  
撫卷三嘆而後知公置力於斯文久矣又二十  
年宣卿築室荆溪山中別營一堂以平生所蓄  
東坡詩文雜言長短句殘章斷藁尺牘游賦之  
作盡積藏其中號景坡自書榜仍為記刻之某  
欲具小舟造觀而宣卿召川今以集撰守吳門

乃賦詩  
爲之先

王公製練衣謝傳捉葵扇歛若置郵然一息徧海縣東坡  
百世師乘雲上騎箕文爭日月光氣敵嵩華齊諸儒望先  
覺坐待成風斲一斤應手揮郢鼻無留聖公生不並時閑  
鍵同一機識真屬具眼造的今中眉詩亡束皙補書受伏  
生所神交接混茫參差夢中睹授我筆如椽五色光屬聯  
醉上金鑿殿揮泉灑謫仙

### 題胡茂老樞密橫山堂

建炎中端明學士胡公卜居常州宜興縣斥第  
地數十畝雜除菴莽爲屋六楹瞰荆溪面諸山  
植竹樹環之號橫山堂予歲一過或再過與徽  
猷待制董公令升同載以俱公治具爲十日之

留賦詩紀  
一時之事

古縣山水國萬室蟠其中環城千嶂合並舍百泉通我公  
擅一壑層雲生蕩胸放神八極外坐駕兩腋風我我十二  
鬢半出簾幙重脩眉畫新就一抹翠掃空欣對愜平生似  
爲悅已容百金置酒地窓戶浮青紅高稜拄笏見採菊籬  
下逢坡陀徑千丈橫絕垂天雄日麗鷲谷曉沙暄燕泥融  
悠然命中車徃徃載客從大句琢天巧朱絃奏三終溪山  
久寂寥高辭擅無窮天王駕群英長轡係九戎安知橫山  
下一榻卧老龍功名方鼎來龜祥兆飛熊勒石頌中興涪  
臺兩穹崇西州歸謝傳東海表太公千年丁令威騎鶴還



故宮

題廣福寺軒

陳睨

小軒架寒溜激激鳴水蒼老僧不靳惜借與一榻涼枕流  
暫憩息清飈襲衣裳蟬聲亦多思牽引晝夢長俗慮頓消  
處栩栩無何鄉翻嫌市塵中吏隱殊相妨未賦淵明歸祇  
益素君狂平生不勇決戀戀粟一囊何如水西頭飛雲共  
徜徉日尋方外遊煮茗燒妙香此致渺未遂嘯歌空自傷  
坐待山月明拏舟泛滄浪

游南山慈山下人家

趙孟頫元人

驅馬南山陽下馬望絕巘解衣坐盤桓言就蓬蒿隱非無  
扳援力與盡自應返天高暄風息木落歲華晚勢阻乏遐  
觀趣得心自遠不有君子辭何用抒繾綣

泛舟西溪

劉夢吉

萬山倒滄浪一葉凌差莪差莪為飛舞翠影如婆娑輕陰  
散雨足淨綠生圓波人間碧海幻老眼青銅磨風雲幾千  
古辨此雨一簑溪南有幽人鼓柁前山阿煙深渺無處月  
色浮松蘿

銅官山

蔣捷

翠律荆南山素令葬其麓相傳天賜棺咄咄詎流俗令嘗  
成輿梁天報宜以福賜棺信榮矣畢竟入鬼錄珠官在嶺

南錦官在巴蜀鹽官與鐵官登載紛簡  
吾恐古有司鑄銅山之足後人訛承訛官傍妄加木政  
須改銅官大字鏡崖腹事有作備者併按王喬玉

題顯親寺僧方厓聽秋軒

虞集

道人攝袂深坐滅靜定長松結層霄密竹生晝暝  
龍吟崖石陰鳥度池月瑩秋從何處來觸摩成我聽  
振空林外錫旋復室中磬耳門登三昧圓應溥虛罄  
所懷丹丘生春夢一擊醒等此聞性觀素壁寫三徑

題周孝侯廟

夾谷之奇

長橋漲清波南山滴空翠清風孝侯祠六月薄炎熾  
秦

拆喬木廊宇深以遂升堂拜遺像凜凜增壯氣  
緬懷絕塵姿跡施幾日業一念在聖分千載仰高義  
義興阻湖山從古勞撫治况當亂離後生理多不遂  
連州虎為害接浦蛟作祟故國神所遊陰相得無意  
我來按茲群強禦寧汝畏恐被蛟虎徒匿影知暫避  
不埋張網輪徒攬范滂纏澄清悵何時留詩志予愧

宿黃福寺

陳鈞

我非山中人暫借山中宿靈風散微陰片月出喬木  
意悵棲夕香古井汲寒綠名緇多夙契延坐同茗粥  
况與靜者俱繕性久已熟清辭儂陶謝玄談幹身毒  
所愧形迹拘無

由繼高瑁鍾聲殷江島靈氣滿林麓良遇愜素懷徘徊至  
天旭

題斬蛟橋

白珽

桓桓周將軍英烈照千祀少年知自艾成仁不惜死射虎  
南山下斫蛟北橋底騰怒三日夜瀝血四十里激波爲嶽  
立揮刃電亦駛想當批鱗初見義不見水及其立人朝矯  
矯中不倚文學旣英發武庫復霆起殲兒善醜正甘作忠  
義鬼至今有生氣耿耿耀青史蘇公百世豪氣味有相似  
泊舟蛟川下洗石題所以平生疾惡意十有二言裡豐碑  
列祠宇詞翰兼二美二美固足珍吾取不在是

題任昉釣臺逸王允剛

虞湛

任公有釣臺陽羨東門道六朝去千年一守稱絕倒無事  
每消閒於焉事幽討惠政日已多昔民仰天昊至今釣遊  
處水清山亦好雲天日爲旗野樹春如葆魚鳥識風流江  
山見文藻王孫賦歸來妻迷思芳草壯氣溢前脩我獨淪  
懷抱出處可探竒有志莫易老

震澤

沈貞

茫茫具區上湛湛長波披震蕩旣底定雷山遂沉卑鼉鳴  
澤國應龍乳絕壑移三十六灣空七十二峯危不復認夫  
椒更難覓鷓鴣夷俛仰陳迹在波息將何爲

金沙泉

在茶山

鱗鱗金屑精泛彼崖下泌遠涵珠光潤淨闕蟾窟溢流芳  
行餘派瀨甘澈深密上棲鳳凰林下隱蛟龍室豈惟穴向  
丙更激支折乙願分澤疲民坐致康衢日

題孝侯祠

宗瑩 初子

皎鏡無留塵冽井有清汲人能悟本心何事不可立怒蛟  
匪難屠猛虎亦易繫百里三害除一悔衆美集惶惶平西  
節戰壘獨深入殺身酬主知忠義表州邑遺廟長橋濱南  
山遙拱揖岸葉泣霜紅猶疑猩血濕慨世非無勇聞過若  
不及平居憚改作胸次紛戟級或尚氣沮豪或徇已拘執

注驚聲利臨危死憂悒安得天地間如公輩數十為明

心機警彼騎客習懷哉秋又殘此雨寒蠶泣

銅官山

馬治 國朝

群山何連延茲山兀中峙上摩九天闕下瞰東海水屏風  
前綠玉圖畫開錦綺端方自遠望散漫出近視誰云銅棺  
降事往茫昧耳惟當佐生物玄雲出於此

菴畫溪

積雨洗崖嶂奔泉會空山添為千丈溪泓停深似玉霞吟  
煥彩翠花艷分江綠浦雲自點綴岸峯相映燭旁穿震澤  
口直瀉順山腹日暮扁舟來漁歌出湖沃

張公洞

張公古仙伯不樂雲間游騎驟穴山腹洞大開清秋空青  
凝丹室積翠結石樓王女跪而化銀漿冷不流芝田水精  
鹽華屋珊瑚鈎神界杳莫測鬼工信難侔勢輕壺公壺量  
狹禹九州統出具區底仰出崑崙丘煙然一束緼吾欲窮  
其幽

周侯祠

峩峩古祠宇近在荆溪濱畫壁嚴欲動羅幔清且新松栢  
四簷垂鍾鼓前庭陳廟食向百世將軍凜丰神自從斬蛟  
虎惠茲邦國民傷哉梁山戰彼彤果何人

任公釣臺

伊人不可見古臺臨野水惟應公事閑意釣還來此城月  
日色暮郡舍秋風起鳥飛綠蕪上猿啼碧山裏宦情方淡  
如野性或偶爾巉巖雲溪石其下亦清泚

牧之水榭

牧之信竒士蹤橫見當時著書亦有兵豈唯工賦詩畫船  
張水嬉禪榻悲髮絲廣陵罷走馬陽羨亦解龜芳樹竟寂  
寞清淡自淪漪斯人向千載陳迹宛如茲

龍巖

幽幽千仞巖湛湛百尺潭龍卧既深黑鳥飛亦清涵遠哉

齊梁間刹宮遍東南茲山實靈異殿閣何蹉蹉仙踪遺象  
籀古天開鬱監洞門闕石室垂藤映珠龕日出林更靜雨  
餘泉益甘聊從荷簣者一對名僧談

國山碑

蕭條青山角上有千載碑形模臙藉而高齋製作惟且奇  
禎祥雜麟鳳篆隸森蛟螭炎祚昔徵絕群雄競驅馳孫郎  
最後出一戰開洪基虎視國江左權亦善用師奈何後世  
淫欲慕秦漢為區區鼎立業誇大豈所宜瞻彼嵩岱封自  
雲渺予思

石亭梅

步出南郭門繚繞石亭路世難寒梅花雖新亦異故連雲  
二十畝照野數百樹蕭條荆棘映慘淡苔莓護彷彿水曹  
思清便廣平賦相思何由寄惆悵歲云暮

出西澗過龍巖途中瞻眺

山澤春明麗林樹鬱峭倚游步何從起涉澗行屢轉幽泉  
響層曲蔓草繇芳甸在岸心已遂經丘始回面巖崖驟誰  
創嵐嶺遙自薦蒼梧疑陰吹彤霞散晴雷  
水光練練沉沉澗洞古潛龍不復見觀願委物育解作幾  
神變臨深備戒慎登高欲瞑眩游目信虛無探已有常  
靈

竹園

菌生陽林下，戰戰春雨餘。不遇樵人識，何以謂嘉蔬。凌晨  
渡山澗，見此步躊躇。散漫盈我前，落花覆沮洳。丹霞冠其  
頂，映竹彩雲如。俯拾喜輕鬆，徐行執吾裾。傾身試湯鼎，紅  
皺木能舒。柔滑無與俱，登筵鄙七菹。雖悲暫時物，一使腥  
風除。

登西崗望龍池諸峯贈周履道

遠遊虞風波，託好常在適。朝來遇君出，興與西岡起。日薄  
川野陰，徐行杳然喜。登山坡陀上，瞻望入百里。浮雲忽避  
眼，十嶂來填委。巉崑龍池頭，宛轉鷲山趾。銅官大居正，顧  
盼雄彼此。夏綠紛以勞，林巒粲成綺。田頭指明鏡，近見泝  
練水。一州信峭嶮，東北纔演迤。自多岩洞勝，衡廬可肩比。  
危危松間石，跪立馴虎兕。前瞻忽長嘯，幽響久乃已。桃源  
果何似，茲景清且美。窮探非予樂，所樂有偶爾。周子宜數  
來，逍遙自今始。

桃谿泛舟尋方崖士女

身行沙岸曲，隱見遠人村。初罷桃溪雨，寒山響翠繁。薄雲  
凝遐思，微風吹平原。登稼已云變，欣欣田父言。予心亦何  
事，訪舊試尋源。

陪士玄自桃溪看山至西岡

端能緩歸哉如此循溪上徑復巒巒間繁林起迥山容  
非一態目睇凝萬象况借同心人茲焉意彌曠  
靈氣迴峯抗仙掌一驚東北翥銅官左右仰驚看飛鳥出默  
契孤雲往景寒靡靡天長川泱泱寧從謝公好久為盧  
生罔刊領誠瑣細遊空則敞克攀翻青桂枝離坐席草莽  
誰謂崑崙貴一是紫霞賞

西澗宴集得輕字

繁陰藹新夏交交桑扈鳴朋來撫時景觴酌訴平生緩帶  
臨前澗移席次南榮幽思拂素琴商歌諧楚聲中堂微風  
扇升降體逾輕酒至賓屢辭主人願忘情相見徒云易人

事好戲成爲樂且今朝焉用千古名從容諧真賞飽德飲  
和平

官軍後還西澗草堂

干戈一爲用十室九不完東西南北人壞屋敢求安昨聞  
府兵下徒跣入荆管一市人盡虛衡門駐旌竿還家動盈  
月餅粟久已殫幸茲西澗西草堂適平寬竹林最無恙秀  
色雨始乾石梁不可緩更造醜風湍掃地山氣潤開軒水  
聲寒留榻依故處接琴較初彈賓客稍稍來畦蔬亦朝食  
坐中談時事廢食各永嘆西峯數里外草竊除豈難盛夏  
兵旣集翺翔彼何干乃知荆揚交蹙血原野丹頻年勞人



馬未得賊肺肝憧憧往來地供億困百端我生固其時飄  
飄媿飛翰

出西澗過龍巖途中瞻眺

周砥

適意窮山水覽物春時候蘭蕩迷煙孕桐林仰雲逗却立  
駐幽躅前臨縱遐觀谷鳴振嚶嚶川響復瀏瀏衝飈激高  
竹晴曦艷寒溜崖複翠羽戢石觸金鱗皴妙合理無遺心  
怡興難究逼仄緣石磴岩堯陟雲構豈惟廬霍期攬此巖  
壘秀素履非行險逸想仍冒詬遙遙此中情庶以謝紛採

登西岡望龍池諸峯贈馬二山人

登臨不陟險緩步情始暢振衣西岡頭矯首一長望朝陽

匿光彩宿霧猶憶嶂山靈忽不斷連峯洶波浪何許芙蓉  
青龍池半天上銅官從中起磅礴氣愈壯迴風過林莽草  
木皆振蕩青錦十萬縑鈿車五千兩山人地志熟指顧各  
所向窮歷吾豈能高情倚踈放平生煙霞志配此丘壑尚  
思欲逃喧甲結茅計非曠緣知兵革後已恐淳朴喪蕭條  
採芝意臨流重惆悵

桃溪泛舟尋士玄

放舟千山裏嵐氣滿晴川歌辭理白雪水禽栖綠煙蒼蒼  
野陰變蕭蕭風景妍尋僧轉回塘望雲極遙天萬事寧有  
素一行忻偶然

陪士玄自桃溪省山至西岡

冉冉歲云暮  
淒淒霜露繁  
良遊豈易得  
賤子亦攀援  
流歎  
霜吹我衣  
杖登高原  
平郊羅遠岫  
巖壑斯鳴  
荒園路迥  
蒼檜立巖高  
白雲屯寒日  
無留流落  
乘辭本根  
萬化倏榮  
悴一息異朝  
昏逝者已如斯  
人生豈恒存  
人生會有盡  
親友義在敦  
營營諒何為  
撥棄不復言

竹菌

竹徑拾朝菌  
中林露瀼瀼  
宛轉重豎歌  
頃刻易滿筐  
粲然丹砂質  
携下白雲鄉  
眈眈音類意忻喜  
執爨屬初嘗  
漑音澗沃靈液  
登俎達馨香  
脂毒音懼厚味餐霞秘  
仙方得此與  
蔬筍蕭然侑一觴  
含和適勝韻  
茹美貴清涼  
孰謂可樂飢  
庶以潔中腸  
非但紫芝曲  
願繼採薇章

西澗讌集得體字

永日池館闕  
翳然此林水  
夏綠繞澗榮  
夕嵐當戶起  
飛鳥翔深竹  
遊魚在清泚  
覽物契真賞  
開筵進芳醴  
賓來咏大雅  
絲竹含流徵  
意適神自曠  
交親情益喜  
凱風岳南沐  
頽景汎西委  
嘉會恒難得  
世紛方未已  
凡此賢達人  
希當慎玉體

官軍後還西澗草堂

丈夫志四海  
立身自有餘  
安能事一室  
遂欲逃空虛  
嘉遜

蓋貞吉聖人不予懋况當艱難際行止豈欲迂若為動干  
戈爰及此林間風氣混六合理難靜一隅奔走固不恤隣  
里誰安居所恤罔悔吝類為時所驅出門已憂勞入門復  
歡娛一欣朋徒合再喜景物殊綠竹洒秋色踈花耀前除  
開軒坐林杪更取琴與書西山澹相對落日號驚鳥忍聞  
濮陽血草木漬模糊殺戮本群盜哀矜為無辜三嘆觀化  
初人生亦須臾

姚節婦

宋溥

一死孰可免全生良獨難見義苟不重視死如泰山丈夫  
稟剛陽致身尚間關婦人本柔質疇能無控搏孰云季世

身少安勇脫虎狼口安就蛟龍食鐵史著遺迹終  
下酸

幽蘭題姚節婦金氏傳後

張簡

生深谷塵靡多容光衆草雖共長安得比其芳脩叢  
泛光風紫蕤明朝陽豈徒媚春色特以持貞良幽閑意自  
得婉淑情不傷忽然商飈發蕭蕭飛嚴霜卉木競凋謝山  
林亦荒涼惟茲一寸芳枯槁猶馨香豈同桃李花零落隨  
風揚小草有堅操雖死而不亡佳人在空谷遭時不平康  
能以禮自持與世扶綱常我歌幽蘭詩楚調悲中腸掩抑  
發鳴琴聲盡餘慨慷

蓼莪菴四首

余學夔

涼風颯以淒浮雲蕩無涯  
蟻帖候秋急春華已無滋  
感茲動中曲悠然興我思  
我思亦何由悲淚應心流  
念彼泉下親一往不可求  
容音邈難遇能不增煩憂  
煩憂令人勞怨彼風木貌  
栖栖無所托蓼莪已成蒿  
至恩諒難酌漠漠蒼天高  
天高不可極歲月遠蹉跎  
逝者在易疎生者其奈何  
淚流漬胸臆忽忽將成河

題王允岡山齋

宋濂

幽人宅一區卜築在陽羨  
銅官矗蒼翠白雲通隱見  
溪水抱村流觸石成洄漩  
鶴巢古松枝魚噉殘花片  
清景樂高閒雅情任狂狷  
山林足肥遯軒車忘慕戀  
心靜養長年世榮倏驚電  
寄言謝逋客重脩逸民傳

石室

吳天璽間離墨山有空石長十餘丈曰石室孫皓嘗封禪以侈瑞應

傅瀚

石室下深曠其顛出高霞  
何年鬼斧鑿見此空豁  
砒壁間淨無塵惟有蒼苔花  
白雲自封鑰徑竹相交加  
六合皆塊蘇冥栖竟誰家  
閒來此游息亦足遺紛華  
無因一相訪飽識東陵瓜

龍巖寺

善權首門李曾伯書扁

沈周

禪關冠華構山路始深入石圯接步武松檜相離立淨知  
黃金境空翠溢袍笠澗泉發龍巖折度散復翕山僧四五  
輩逍遙時盥滄麋鹿趁人行鳥雀近可執幽致異人寥冷  
風長習習時時游我神寄題動篇什

小水洞

大洞衍狀流陰脉貫小洞瀦渟聞不測蟠物宜深儼音丐  
名阪宿德嘗致白衣夢瑤屨居寺後雲霧時發滃人踪  
不可詣秀草彌石縫匪止可潛蟄早禱歲罔空有龍水則  
靈我信前拈頌寄題入想像妄語無一中西笑慕長安難

兔土著諷

玉柱

在乾洞內高可丈餘光潔如玉

石髓不淪土崇膏千歲滋脩苞直且聳未可墨丈期轟轟  
訝琪樹旁附絕庶支摘齒固匪用歸植將焉施願拔障狂  
瀾俗流無披靡

銅官秋色別吳克學

自我別銅官銅官常在夢山中有美人秀色玉雪共子從  
銅官來照眼秀色開把酒問芙蓉似落掌上杯臨別寫銅  
官隨子復西邁極目青不了遙在飛鳥外

碧鮮壇

即碧鮮菴相傳沈英臺讀書處

楊守陟

宇邦書屋  
緹縈贖父刑木蘭替爺征婉孌女兒質慷慨男兒情淳于  
不生男木蘭無長兄事緣不得已乃留千載名英臺亦何  
事詭服違常經班昭豈不學何必男兒朋貞女擇所歸必  
待六禮成苟焉徇同學一死鴻毛輕悠悠稗官語有無不  
可徵有之寧不愧木蘭與緹縈荒哉讀書壇宿草含春榮  
雙雙蝴蝶飛兩兩花枝橫彼美康節翁小車花外行一笑  
拂衣去南山松栢青

周孝侯祠

王醇

義者行之宜忠者孝之原忠義兩兼盡百世名譽存桓桓  
平西公忠義昭乾坤改勵除三害問道二陸門歸來奉慈  
母甘旨脩盤飧及應州府辟移孝以事君正色肅臺憲直  
言叩天閭權奸擅國柄側目欲噬吞遂命征西行痛割慈  
母恩奮身沒戎虜陰雲慘忠魂廟食幾千載春秋薦繁蘋  
荒墳狐兔迹殘碑苔蘚痕我來感往事再拜酌酒尊作詩  
告後世願使薄俗敦

前題

李德

桓桓周孝侯英名冠今昔早年事田獵志行何縱逸出感  
父老言改勵即脩德斬蛟長橋下射虎南山側尋師入雲  
間折節向儒術所學方期年州府忽交辟進身立朝端威  
望光赫奕真戚逞奸權上疏屢彈劾一朝征西行自知陷

讐敵賦詩慷慨臨難心不易義氣凌蒼穹精忠貫白日  
遺廟臨荆溪千年歆血食我忝同鄉人讀書覽陳蹟何處  
吊忠魂荒墳秋草碧

宇邨煙樹

項麒

遙遙宇門邨萋萋擁深樹藹藹橫朝煙蒼蒼障天路鬼神  
護竒材英華詎輕露網緼野馬游縹緲冥鴻度憑高一以  
眺悠然得真趣吾將跨黃鶴翩翩出雲霧招彼巢居子閔  
世如日暮

蘭山

蘭谷何逶迤暄風藹然至清芬遠飛揚芳心靜無倚不羨  
非所傷幽獨良自媚彼美巖阿人時來慰芳意冰絃一再  
揮餘音淡盈耳白雪凝不流春空曠如洗安得同心人清  
言究真趣

蜀山書院

書院名蜀山坡翁有深意翁雖湖海豪難亡首丘志絃歌  
想當年精爽在何處古碑卧墻陰涼颺起高樹吊古時獨  
來悲歌淚將墜偉節凌冰霜竒文照天地千載如見之何  
勞重歔歔

大潮山

峩峩大潮山上有金仙廬廬傍構精舍迥與人境殊我嘗

登絕頂四顧心洒如澄湖眇一鏡君山麾太虛白雲忽飛  
來雅意如相娛俯睇區中人營營在洪鑪舉觴酌金仙此  
樂誰與俱

蓮塘

橫塘秋水深芙蓉墜紅衣商飈何許來苦心誰復知閑來  
弄扁舟鷗露都忘機扣舷歌濯纓逸興凌煙霏澤蘭尚堪  
採將以貽所思所思隔山岳良悟不可期徘徊日將暮日  
送孤鴻飛

笠澤

東吳有巨浸乾坤與俱生虛明倒雲日振蕩轟雷霆鼉鼉  
互隱見蛟螭紛縱橫樓船揚巨帆鵬翼垂滄溟忽如遇六  
馬汗漫遊八紘篙師空束手造化真神靈吾將窮勝覽浩  
蕩窺蓬瀛

春風亭次袁大尹韻

亭在縣治

沈暉

我登春風亭適此好天氣豈惟二難并亦喜四美備元化  
究終始微言析同異况觀春容篇綽有風雅意一唱再三  
歎使我開壅蔽辟如聞蕭韶食肉不知味吁嗟去古遠大  
道日云敝詩書秦王火禮法晉人棄兼愛賊吾仁爲我亂  
吾義睨視同室鬪門戶堅自閉伐木傷友朋甘棠憫兄弟  
骨肉尚路人矧肯及殊類博哉仁人澤六合鈞覆被諒彼



燕與雀安知鴻鵠志中年感魯恭渤海仰龔遂伊周雖聖  
賢馴致良亦易嗟余亦何幸交好從蚤歲所期在道德豈  
直爲功利三江瀉詞源五嶽森筆勢醉後發狂歌吳箋爲  
君試

東坡書院落成謝王大尹

坡翁湖海豪足跡半天下山水愛宜興買田築書舍至今  
仰高風尸祝共鄉社云胡遭兵燹一炬山盡赭遺址久荒  
涼山靈幾悲詫賢侯下車來庶政悉興罷鄉老紛造庭脩  
復乞農暇侯曰責在予敢以不敏謝乃咨郡太守乃告部  
使者詢謀旣僉同勸相躬枉駕齊人悉歸田頌士爭助價

區氏論釋村陶氏運甍瓦經營不日成突瓦見大厦遺像  
倏丹青華堂蔭梧櫨邦人肅仰瞻老釋携酒炙蘋蘩薦春  
秋絃誦喧晝夜豈惟慰神靈或補風化羅池刻韓碑斯  
干詠周雅磨崖紀成功當道誰班馬

隨伯兄遊大潮寺

歸田倏五載百念俱已休茲辰天氣佳駕言聊出遊伯氏  
秉高義館甥亦名流尋僧入山寺結社招海鷗俯瞰五湖  
水高登千仞丘况我同社友不遠携朋儔清歌協埴麓斗  
酒更勸酬未知斜川會亦復有此否古來山林士不與當  
世憂聊窮一日歡此外非吾求

吳大常招飲阻風溪上有懷會中諸老

故人有簡書邀我赴春社山陰動高興雪棹發中夜云胡  
北風顛駭浪蹴天駕長溪渺難越繫榜傍漁舍緬懷蘭臺  
英悵望樊川榭安得駕黃鵠飛墮白雲下

阻風溪上謁周孝侯祠就新建娛晚樓時南山多

虎民有憂色

城東有古廟云祀周孝侯門前枕長溪屋後依高丘歷朝  
表忠烈牲帛祠春秋云何世代遠棟宇壞不脩樵蘇競來  
往甚或牧馬牛豈惟垂國典抑恐貽神羞使君乘高義  
此懷隱憂運甍增崇墉面山起層樓詩書啓後學風烈追

前脩我來謁祠下竟日承淹留題詩記歲月庶以警墮偷

又

阻風荆溪濱散策城東陌祇謁平西祠無尋驄馬客古殿  
鎖煙霞中庭蔭松柏丹青半凋零遺像尤赫奕步履轉迴  
廊神妙看畫壁解衣坐山房尊酒展芳席絃琴谷中風對  
局松下石飲酣更登樓縱覽周八極四郊麥垂黃黎庶仍  
菜色矧今虎豺多非止一白額安得侯復生坐使民害息

惠山至永定

王鏊

解纜惠山下問道荆溪程荆溪百里遙蘭槩蕩空明公湖  
好青山宛轉送我行惠山甫日辭陽山復來迎東西夾畫

船依依亦多情忽然互出合隱若百雉城西南豁中斷太湖渺然平范蠡辭越相此口云所經懷賢不可見臨流濯長纓

遊張公洞

顧璘

風雷開洞府傳自赤烏年峭壁斜傾地盤雲半覆天林抽千挺笋池縱九華蓮螺殼迴旋入蜂房芥蒂懸虛窓通白日奧室聚蒼煙石髓滋瓊蓋丹爐閉雪鉛吳山唯此勝張老是何仙輕舉應霞外冥搜破物先緬余問桃水遂爾涉芝田懋澗心方寂尋真興已偏步凌青嶂出杯倩紫雲傳影落幽襟積飄蓬去路牽永懷食大藥從此謝塵緣

金晶巖

高巖控虛明粲粲耀金碧鐵障旁增雄蛟房中廣圻寒可嗽砥廣平堪奕騰茲避俗地期縱采真策瞻圖嶽想寄詠勞虛索擬待秋風清捫蘿托行迹

佛窟洞

石壁天削成幽龕若懸壺金僊鍊白業逃虛此跏趺曲隱闌楯瑪瑙間珊瑚人天脩竒拱水木暢清娛自非煙質豈絕塵空途歸依適所願白衣從爾徒

瓊樹

唐樹千年根仍今幾春秋栽培屬天意本爲高人留根蟠

厚地底葉庇廣隰周喬柯屢巢鶴小枝堪蔽牛古藤亦微  
物輪菌屹相糾莊椿祗假托蟠桃誠謬悠當今明堂搆獲  
免大匠求余將挾嘉侶斗酒乘扁舟坐蔭重陰下爽然銷  
百憂

玉女潭

玉女乘素雲浩劫降空山靈潭一沐髮涸淵今尚潺依稀  
雲霧夕縹緲猶鳴環爰即幽求士栖巖長閉關居成異景  
積意靜玄風還臨流挹清泚永以滌心顏

題止軒園贈沈行佐

沈淮

金紫雖披體不如心獨安高車帶傾覆正路無險艱所以

知幾士退守東湖干濯足弄秋水攤書對瑤山亦有脩竹  
林泠泠在窓間扁舟蜀山道何當問君還

遊善權三洞遂卜書院

湛若水

善權真洞府神仙逸其名惜其不在洞天之列嘉名吾夙慕於茲扣  
巖扃地氣通靈竅天神啓虛明誰能履茲境可遊神之庭  
名公翕然至如雲集諸生心同理有愜景曠心自澄道人  
空鶴駕誌公傳錫聲教基若有在天地與平成

斬蛟橋

段金

昔賢奮雄烈怒髮上危冠朝登南山道暮入清溪湍老蛟  
恣無談掉尾不可于猛當一劍術坐使萬室安長橋駕洪

波舟書功不刊高風緬異代義激壯士肝嗤彼擊揖徒空  
名良可嘆

龍塢落成

王大用

選勝青龍塢結屋僅數間素性本鳩拙致此良亦艱匪以  
蔽風雨燕之開心顏衰遲諾所願入眼平生慳拱揖來群  
峯正面離墨山左右列旗鼓捍門獅象閑落成值陽月約  
客共躋攀近寺聞鍾磬曲澗流潺湲相訝如有待落日澹  
忘還憶昔經營初曾見龜蛇踰何時畢婚嫁於焉採玄閑

游張公洞

吳仕

坤輿匪無郤石骨乃中空玲瓏開玉虛蒼雲結飛棟俯入

馮夷宮萬寶充庭貢金膏凝玉流如人溢雙漣盛以九霞  
觴細和金莖迭矯首天門高碧蘿垂罽幪漸覺葛衣輕瘦  
骨涼欲凍轉步入幽微瑟縮如鳥變懸崖細攀躋宛持惡  
馬鞋遙假松炬明開我目冥曹人立儼長軀物像兼群動  
或若掀吻猊或若翔霄鳳捷地爲猓猱盤空爲蝶螻丹砂  
明的爍羽蓋紛鴻網幻態不可窮呼聲忽成闕天光一線  
微朗若破昏霧閭闔九關深聳身時欲狃於誰小有天勝  
更清虛洞會此豈凡流依稀紫姑衆出門一笑逢疑是華  
胥夢

東丘娛晚堂

堂構孝  
侯祠下

杭濂

聖代熙文日良臣燕老年蟬聯俱寵極驥脫競才騫木木  
開幽隩星河峙廣椽機心漢陰息得失塞翁捐自覺衣冠  
暢如忘禮數虔琴書俱樸野杯俎亦清便落落睢陽彥飄  
飄洛邑仙過從真率地陶冶性情天清止文鱗集翔雲高  
鳥還青春看花屐斜日弄墟船礪響文楸月茶清玉井泉  
地靈昭古烈文彩動奎躔價益山川重情高日月懸典刑  
良是荷風雅迄無前矯矯儀鴻飾翩翩威鳳聯神功真慰  
滿天道獨思偏藝笑齊人悲官餘子敬瓊簡書形兀兀岐  
路走躑躅白日披山斗冷風起偃佗題詩寄高想涼籟激  
虛絃

過清流塢

透連傍水曲窈窕穿雲岑涼風鼓巾幘白日敞衣襟行行  
力乃疲憇卧脩竹林泉香石楚楚籟寂天沉沉還持一觴  
酒曲流遞相斟悠然無何鄉曠我遺世心幾希蘭亭中典  
午世所欽我懷斜川遊視古猶視今

南嶽漫意

青林履白石野竹來清颺翛然脫世糾萬物一襟披茲山  
豈夙綠寤寐神顏怡高天鳳天矯鉅野龍委蛇豈茲神靈  
闕注屬深所俟維時深秋日草木寒以腓厓丹烈霜宇澗  
碧泓秋曦羽人亦良趣曳屣隨吾之黃花引逕道白雲掛

松枝猗與后皇造變象無窮竒臨流重徙倚盡倒瓊瑤卮

楚山爲沈克寅賦

許穀

全楚多靈嶠茲山秀獨賒峯晴流紫霧石潤湧金沙結構  
臨丘蔚虛無絕世譁樓觀松嶺日窓度玉潭霞地發千年  
藥林開五色花脩梧停鸞鷲大澤卧龍蛇洞月開圖帙巖  
星映莫邪谷中三賦就看爾獻京華

張公洞

包節

採藥珠林迥尋真洞府懸隨花漁引入捫爲鹿俱前谷抱  
蒸雲潤崖承滴乳鮮霧昏三里合炬列百枝燃斗絕疑無  
地霞標覺有天千巖微映紫百道稍聞泉徑草封樵局壇

松護鼎煙匡牀猶玉簟殘埒尚芝田控鶴人何在遺宮跡  
宛然憐余朝槿歲欲問大羅仙玄秘空延想徘徊獨暮旋

入陽羨

李文

薄遊耽曉行遂逐山溪轉野水雲根深春風柳芽短古瀆  
飛鸛鷲中流聽雞犬客棹尚迷源人家應不遠何處訊漁  
郎簑笠桃源晚

溪上望楚山

塤黷重開郢荆衡舊劈支吳天起浮柱越徼附東岐嶽色  
侵天姥峯陰絕漢陂氣蒸蒼積靄嵐濕紫蟠泥降谷疑龍  
窟高巢仰鳳枝煙樓栖仲蔚雲屋構希夷玉冕尊瞻久金

沙得步遲春空飛極覽歲往費遐思擬約青霞入無勞白  
鹿疑巖光渾有待鳥語似相窺電攬羲和轡風翻阮籍  
解顏收鉅麗借訊沈佺期

會僊巖

飄飄馭白日簡簡憇玄宮羽葆何年聚煙霞此地同尊臨  
周柱史從列漢河公廣布黃庭席咸宣紫府功羨門來海  
上穆滿下雲中載弄王喬月偕乘禦寇風舊聞還信有今  
度是真空且醉青春色聊依碧樹叢十洲殊縹緲五嶽巨  
穹窿懸圃危難歷方壺宵莫窮誰能獨跂世吾願與巢蒿  
但恐驚黃屋頻勞使節通

卷之四

荆溪外紀卷之五

邑人楚山沈敕編輯

真州雲壁李文校正

六言四句

宿甌山

韓翃唐人

山中今夜何人門下當年近臣青鎖應須早去白雲何用  
相尋

別甌山

一身趨侍丹墀西路翩翩去時惆悵青山綠水何年更是  
來期



牧之水榭

無名氏

菴盡溪頭閒渡銅官山下尋僧木榭風橋曲曲楓林雲磴  
層層

福巖堂頭再過公安病中信口送行所望不忘夙

約

李曾伯 宋人

記得桂林臨別勸師緊閉禪關又被如來牽率未容高卧  
雲山

浙境欲留師住荆人爭望師來要是姻緣未了不妨兩地  
徘徊

方藉名山作主胡然舊席重開了却江湖願力切須早早

歸來

勝義堂 善權寺講堂

沈周 國朝

座下四方龍象法筵獨據中堂玉塵高談般若天花亂落  
天風

寓宜興予莊贈吳翁

費宏

水北水南芳草山前山後白雲我欲求出問舍杖藜載酒  
尋君

游張公洞返棹

李杲

苦雨可歇不歇短帆欲開未開一片閒雲洞口不嫌人去  
人來

荆溪外紀卷之五

水出大南溪江... 荆溪外紀卷之五



